



Comun general de Fascia (Art. 8, L. Cost. 1/2017)

Servijes Linguistics e Culturèi / Servizi Linguistici e Culturali

Strada di Pré de geja, 2 - 38036 San Giovanni di Fassa/Sèn Jan (Trento/Trent)

Tel. 0462.764500 - Fax 0462.763046

cultura@cgf.tn.it - pec.cgf@pec.comungeneraldefascia.tn.it

COMUNICAT STAMPA

Sèn Jan, ai 15 de november del 2021

Per endrez del Comun general de Fascia vegn portà dant:

L'ÈLBER CONTA – LE LÈGN CUNTA

Spetacol de teater metù a jir da I Bontemponi co la partezipazion de Simon Kostner

L é passà encomai trei egn da canche, ai 29 de otober del 2018, la Natura à fat sentir sia ousc grossa e da spaent. N vent che te pec menuc l à fat frata e derejà 16 milions de èlbres te n raion che tol ite sacontanta regions del nord de la Tèlia.

Ence nosc raion ladin l à abù de gregn dans a cajon del tormen Vaia, e dut chel che l é sozedù ne à portà a cogner ge fèr front a neva endesfides e neva domanes e chierir neva respostes.

L tem cernù dal Comun general de Fascia per la scomenzadives metudes a jir tel chèder de l'Aisciuda Ladina 2021 l é chel del ambient, e per chesta rejon, per serèr su chest an dedicà a chest tem tant revel emportant, per endrez del Comun general de Fascia **en sabeda ai 20 de november** del 2021 da mesa les nef da sera, aló da la Gran Ciasa a Soraga, **vegnarà portà dant l spetacol de teater "L'èlber conta - Le lègn cunta"**.

Chest toch de teater, per fascian e per badiot, vegn metù a jir da la sociazion de teater "I Bontemponi" de Poza adum con Simon Kostner.

Tem del spetacol l é bosch, apontin tel contest del tormen "Vaia" e di dans che l'à fat te noscia valèdes: te cort de na sia ju per Busan, olache vegn menà la piantes batudes ju dal gran vent, se scontra n pec che rua da Fascia (portà dant da David Dorich) e n lèsc che vegn da Badia (portà dant da Simon Kostner). Endèna che les speta sie destin, chesta doi piantes se barata recorc, reflacions e pensieres en cont de chel che les à vedù te sia longia vites.

L zil de chest projet, nasciù da na idea de David Dorich, con tesç de Vigilio Iori e regia de Ilaria Chiocchetti, l é chel de ge jir do, dessema col publich, ai ultimes 130 egn de noscia storia, ma a na vida deldut particulèra, percheche la vegn contèda dal pont de veduda del bosch, che da semper l fèsc pèrt de l'identità de noscia comunanzes e l à na gran emportanza per la vita e l'economia de nosc teritorie.

Dal scomenz del turism a anchecondi: la struscies de la jent da zacan, la Gran Vera, l fascism, la opzions, l risech che vegne deldut dessatà l'identità de n popul.

Recordèr l passà per entener l prejent e viventèr l davegnir.

L'ÈLBER CONTA – LE LÈGN CUNTA

Soraga - Gran Ciasa

En sabeda ai 20 de november

da les 20.30

Duta la popolazion é envièda de cher.

Entrèda debant con bonaman.

L é de obligh aer do e moscèr l Green Pass

EB